

**RESUMO DA XUNTA DE GOBERNO LOCAL EXTRAORDINARIA
DO 1 DE SETEMBRO DE 2022**

1. ASISTENCIA AO PLENO. Referencia: 2022/00040369N.

Ratificación da urxencia da convocatoria.

Ratifícase a urxencia da convocatoria.

2. ASISTENCIA AO PLENO. Referencia: 2022/00040369N.

Declaración de ausencia de conflito de intereses en expediente de contratación/subvencións.

Adóptase o seguinte acordo:

Os membros presentes da Xunta de Goberno Local declaran:

Expediente: 2022/38543A.

Contrato: “Subministración dun sistema de provisión e protección avanzada de correo electrónico na nube financiado polo Plan de Recuperación, Transformación e Resiliencia – Financiado pola Unión Europea – NextGenerationEU”.

Ao obxecto de garantir a imparcialidade no procedemento de contratación arriba referenciado, os membros da Xunta de Goberno Local, como participantes no proceso de preparación e tramitación do expediente, declaran:

Primeiro. Estar informados do seguinte:

1. Que o artigo 61.3 «Conflito de intereses», do Regulamento (UE, Euratom) 2018/1046 do Parlamento Europeo e do Consello, de 18 de xullo (Regulamento financeiro da UE) establece que «existirá conflito de intereses cando o exercicio imparcial e obxectivo das funcións véxase comprometido por razóns familiares, afectivas, de afinidade política ou nacional, de interese económico ou por calquera motivo directo ou indirecto de interese persoal.»
2. Que o artigo 64 «Loita contra a corrupción e prevención dos conflitos de intereses» da Lei 9/2017, de 8 de novembro, de Contratos do Sector Público, ten o fin de evitar calquera distorsión da competencia e garantir a transparencia no procedemento e asegurar a igualdade de trato a todos os candidatos e licitadores.
3. Que o artigo 23 «Abstención», da Lei 40/2015, de 1 outubro, de Réxime Xurídico do Sector Público, establece que deberán absterse de intervir no procedemento «as autoridades e o persoal ao servizo das Administracións en quen se dean algunhas das circunstancias sinaladas no apartado seguinte», sendo estas:
 - a) Ter interese persoal no asunto de que se trate ou noutro en cuxa resolución puidese influír a aquel; ser administrador de sociedade ou entidade interesada, ou ter cuestión litixiosa pendente con algún interesado.
 - b) Ter un vínculo matrimonial ou situación de feito asimilable e o parentesco de

consanguinidade dentro do cuarto grao ou de afinidade dentro do segundo, con calquera dos interesados, cos administradores de entidades ou sociedades interesadas e tamén cos asesores, representantes legais ou mandatarios que interveñan no procedemento, así como compartir despacho profesional ou estar asociado con estes para o asesoramento, a representación ou o mandato.

c) Ter amizade íntima ou inimidade manifesta con algunha das persoas mencionadas no apartado anterior.

d) Intervir como perito ou como testemuña no procedemento de que se trate.

e) Ter relación de servizo con persoa natural ou xurídica interesada directamente no asunto, ou prestarlle nos dous últimos anos servizos profesionais de calquera tipo e en calquera circunstancia ou lugar».

Segundo. Que non se atopan incursos en ningunha situación que poida cualificarse de conflito de intereses das indicadas no artigo 61.3 do Regulamento Financeiro da UE e que non concorre na súa/s persoa/s ningunha causa de abstención do artigo 23.2 da Lei 40/2015, de 1 de outubro, de Réxime Xurídico do Sector Público que poida afectar o procedemento de licitación/concesión.

Terceiro. Que se comprometen a por en coñecemento do órgano de contratación, sen dilación, calquera situación de conflito de intereses ou causa de abstención que dea ou puidese dar lugar ao devandito escenario.

Cuarto. Coñecen que unha declaración de ausencia de conflito de intereses que se demostre que sexa falsa carrexará as consecuencias disciplinarias, administrativas e/ou xudiciais que estableza a normativa de aplicación.

3. CONTRATACIÓN. Referencia: 2022/00038543A.

Proposta de inicio da Subministración dun sistema de provisión e protección avanzada do correo electrónico na nube financiado polo Plan de Recuperación, Transformación e Resiliencia – Financiado pola Unión Europea – NextGenerationEU

Apróbase o expediente denominado “Subministración dun sistema de provisión e protección avanzada do correo electrónico na nube financiado polo Plan de Recuperación, Transformación e Resiliencia – Financiado pola Unión Europea – NextGenerationEU” e a apertura do procedemento de adxudicación mediante procedemento aberto, establecéndose un tipo de licitación de 248.050,00 euros, IVE engadido, sendo a base impositiva de 205.000 euros. O IVE correspondente (21% da base impositiva ascende a 43.050,00 euros.

Apróbase o gasto correspondente a este contrato que se financiará con cargo á aplicación orzamentaria 030 92001 6410001 - 2022 2 NGINF 11.

4. CONTRATACIÓN. Referencia: 2021/00037161M.

Corrección erro do acordo da Xunta de Goberno do 26/08/2022 relativo a prórroga do contrato de servizos de atención á infancia para facilitar a conciliación da vida laboral, familiar e persoal na Ludoteca de Fontiñas sita no espazo educativo e de lecer “María Miramontes.

Procédese á subsanación do erro advertido na proposta da concellaría de educación, mocidade e políticas lingüísticas de data 17/08/2022, así como no acordo da Xunta de Goberno da cidade de Santiago de Compostela do 26/08/2022, relativo a prórroga do contrato de servizos de atención á infancia para facilitar a conciliación da vida laboral, familiar e persoal na Ludoteca de Fontiñas sita no espazo educativo e de lecer “María

Miramontes”, de xeito que :

Onde di:

Segundo.- Comprometer o gasto correspondente, que se financiará con cargo á aplicación orzamentaria nº 08032600 3279901, quedando condicionado á existencia de crédito adecuado e suficiente en dito exercicio.

Debe dicir:

Segundo.- Aprobar e comprometer o gasto correspondente, que se financiará con cargo á aplicación orzamentaria nº 080 32600 2279901, quedando condicionado á existencia de crédito adecuado e suficiente en dito exercicio

5. CONTRATACIÓN. Referencia: 2021/00017747A.

Aprobación do proxecto modificado da Execución das obras de reurbanización da rúa do Hórreo no ámbito fronte á Estación Intermodal.

Acórdase o seguinte:

Primeiro: Validar as actuacións realizadas e emendar os defectos formais observados na tramitación deste expediente respecto das modificacións relativas á reposición da impermeabilización do túnel e diferenciación da pavimentación peonil exclusiva.

Segundo.- Aprobar o proxecto modificado da Execución das obras de reurbanización da rúa do Hórreo no ámbito fronte á Estación Intermodal.

Terceiro.- Autorizar un gasto por un importe total de 73.133,92 €, para financiar o dito proxecto modificado que se imputará á aplicación orzamentaria 040 15321 6190001 (código proxecto 2020 4 RLTOU 62 1 1 Obras no ámbito urbano financiadas co RLTX coa seguinte desagregación:

- Modificacións 1 e 2: importe de 38.785,34 euros a executar directamente pola administración ou por outro contratista mediante procedemento adecuado á lei de contratos.

- Modificacións 3 e 4: importe de 34.348,58 euros correspondentes ás obras a executar polo contratista das obras de execución do proxecto primitivo.

Cuarto.- Dispoñer un gasto por un importe total de 34.348,58 €, para financiar o dito proxecto modificado que se imputará á aplicación orzamentaria 040 15321 6190001 (código proxecto 2020 4 RLTOU 62 1 1 Obras no ámbito urbano financiadas co RLTX

Quinto.- Establecer un prazo de execución para executar as obras do proxecto modificado de 0,5 meses desde a subministración do material para que se prevé un prazo estimado de 2,5 meses.

6. DEPORTES. Referencia: 2021/00051639Q.

Xustificación do convenio de colaboración asinado entre o Concello de Santiago e a Federación Galega de Atletismo (CIF G15103500) para o ano 2021.

Apróbase a xustificación presentada pola FEDERACIÓN GALEGA DE ATLETISMO do convenio de colaboración asinado co Concello de Santiago, ano 2021, sendo a cantidade a abonar de 15.000 €, imputándose dito gasto á aplicación orzamentaria 090 34100 4890015.

7. DEPORTES. Referencia: 2021/00051661S.

Xustificación do convenio de colaboración asinado entre o Concello de Santiago e o Club Arteal Tennis de Mesa (CIF G15711369) para o ano 2021.

Apróbase a xustificación presentada por CLUB ARTEAL TENIS DE MESA do convenio de colaboración asinado co Concello, ano 2021, sendo a cantidade a abonar de 12.000 €, imputándose dito gasto á aplicación orzamentaria 090 34100 4890001.